

Элстин тосхлтин кӧдлмшт инӧр оньган ӧгхмн

Элст балгьсна эвдркӧ ясдж кеерулхд, шин тосхлгьнд болн тӧрмр модар кӧкрӱллгьнд 3,300 миньгн арслнъ мӧнъгн гаргьдж ӧггдв.

Иим дала болсн мӧнъг ююнд гаргьхм гихлӧ: Элст балгьсна ульнцсин чолун хаалгьс яслгьнд 18,5 миньгн квадратн метр кегдхмн. Кун йовдг хаалгьс 11 миньгн метрт асфальтар цутхгдхмн. Профелированн хаалгьс 20 километрт кегдхмн.

Кӧкрӱлгч сад моддудиг хашалад, тактс яслгьнд, боодг боолгьнд гидж 100 миньгн арслнъ мӧнъг батрулв. Темсн ургьдг болн талдан кеерулгч оln зӱсн моддуд тӧрдж балгьс кӧкрӱллгьнд гидж 80 миньгн арслнъ мӧнъгн батрулгдв.

Элст балгьснд оln ӧмтн ордж бӧӧх 6.344 квадратн метрт бӧргдх гермӱдт гидж 1957-ч джил 6,7 миллион арслнъ мӧнъгн батлгдв. Эн джил Ленинӧ проспект гидг ульнцд, 32 ӧрк-бӱл бактдж бӧӧх гурвн давхр гер дуусгдхмн. Нӧӧмӧд ӧрк-бӱл бӧӧх 59 гер бӧргдхмн. Дакад

неджӧд, хошад, дӧрвӧд ӧрк-бӱл бӧӧх 247 гер бӧӧргдхмн.

Эн шанъгья гермӱдӧс талдан, эврӧ эзнӧ гермӱд бас бӧргдхмн. Поштд кӧдлдг улст гидж 12 ӧрк-бӱл бӧӧх гер бӧргдхмн. Лавксин халхар кӧдлдг улсин бӧӧх гер гидж тиим гер бӧргдхмн.

1957-ч джил мана совхозмудин управленӧ бӧӧх гер бӧрхднъ 2 миллион арслнъ мӧнъг гаргьдж ӧгв. Тӱӱнӧс талдан, МТС-р, колхозмудар, совхозмудар оln ӧмтн ордж бӧӧх гидж, мана орн-нутгин дӧнъгӧр 3 миньгн квадратн метрт 750 гер бӧргдхмн.

Дакад, эн джил поликлиник, зуна театр, гостинц, дӧрвӧгьӧд зун кӱӱнӧ бӧӧртӧ хойр школ бӧргдхмн. 530 кӱӱнӧ бӧӧртӧ школин гер тосхлгьн эн джил ӧклхмн, тернъ 1958-ч джил дуусгдхмн. Эн хамг шинӧс кӱӱцӧгдх гермӱдт гидж ут-туршдан 6,74 миллион арслнъ мӧнъг гаргьдж ӧгв.

Болв ода деерӧн эн ӧклджӧх ик чинртӧ кӧдлмшт зӧвӧр ик дуту-дундс бӧӧнӧ. Тосхлгьнд

кергтӧ чолун, модн, элсн, кирпич зӧӧлгьнд оньг ӧггддж бӧӧхмн уга. Нег ӧдр зӧӧгьӧд, хойр ӧдртнъ зогсна. Эн хамг кергтӧ юмсудиг цагланъ авч ирхкӧлгн—машин. Машина халхар йир салнъгар кӧдлджӧнӧ.

Иим ик чинртӧ, бачм кергтӧ кӧдлмшт шулудулх, уралан ӱкс гидж йовулх шин янз хӧӧгддж кегддж бӧӧхш. Эн делгӱ ик кергтӧ тӧриг цагланъ кӱӱцӧхд олиг гарддж йовх толгьачнр, ӱнн седклӧн тӧвдж чадх, чидх улсас тосхлгьна бригад бӱрдӧгьӧд оньган ӧгх кергтӧ.

Эн тӧриг ӱкс гидж дуусхин ӧркд машигьӧр зӧӧлгьиг чанъгьахмн. Цуг бӧӧсн техникӧн эн тӧрт орлцулдж ӧдлх кергтӧ. Элст балгьсна шин тосхлт болн эвдркӧгьинъ ясдж, кеерӱлдж, шинрӱлх кергт цуг партийн, советск, комсомольск, профсоюзн оln-ӧмтн декц босдж ни-ниицнъгьӱ кевӧр чадсарн нӧкд болцхах зӧвтӧ.

С. ДЖЕНГУРОВ.